

Վ. Ի. ԼԵՆԻՆԸ ԵՎ ՀԱՅ Ժողովուրդի ԱԶԱՏԱԳՐՈՒՄԸ

Գ. Բ. ՂԱՐԻԲՉԱՆՅԱՆ

Սովետական Միության ժողովուրդների ուղեւորություն-ազատագրական պայքարի պատմությունը անխզելիորեն կապված է համաշխարհային պրոլետարիատի մեծ առաջնորդ Վ. Ի. Լենինի անվան ու զործունեության հետ:

Շարունակելով ու զարգացնելով Կարլ Մարքսի ու Ֆրիդրիխ Էնգելսի գործը, Վ. Ի. Լենինը աշխատավոր մարդկությանը ոչ միայն ցույց տվեց շահագործող դասակարգերի լծից ազատագրվելու ճիշտ ուղին, այլև ղեկավարեց նրանց ուղեւորություն պայքարը մինչև կատարյալ հաղթանակ աշխարհի մեկ վեցերորդ մասում և դարձավ պատմության մեջ առաջին բանվոր-զյուլագիական պետության հիմնադիրն ու ղեկավարը, Սովետական իշխանության ստեղծողը:

Վ. Ի. Լենինի և նրա ստեղծած բոլշևիկյան պարտիայի անվան ու զործունեության հետ է կապված նաև հայ ժողովրդի ուղեւորություն պայքարի, շահագրգռում սովետական կարգերի հաստատման ու ամրապնդման, սոցիալիստական հասարակարգի կառուցման պատմությունը:

* * *

Ցարական Ռուսաստանը աշխարհի ամենախոշոր բազմազգ պետություններից էր: Ոչ ուրա ժողովուրդներն այնտեղ կապվում էին բնակչության մեծամասնությունը: XIX դարի վերջին Ռուսաստանի տերիտորիայում կար 125,7 միլիոն բնակչություն, որից ուսաները կապվում էին 44, 3 տոկոս, ուկրաինացիները՝ 17,8, բելոռուսները՝ 4,7, թաթարները՝ 3, վրացիները՝ 0,9, հայերը՝ 0,9 տոկոս և այլն¹:

Ցարական ինքնակալությունը դաժանորեն ճնշում էր այդ ժողովուրդներին, Լենինը նրանց ամեն տեսակի շահագործման ստորացման ու վերավորանքի:

Այսպիսի պայմաններում, բանվոր դասակարգը չէր կարող հաղթանակ տանել ցարիզմի և կապիտալիզմի դեմ՝ առանց ճիշտ ազգային բազմազգայինության: Ահա թե ինչու դեռևս իր զործունեության վաղ շրջանից Վ. Ի. Լենինը հետևողականորեն պահպանում էր բազմազգ Ռուսաստանի բոլոր ժողովուրդների սոցիալ-տնտեսական պայմանների, նրանց ազատագրական պայքարի հարցերով:

1894 թ. գրած «Ի՞նչ են «ժողովրդի բարեկամները» և ինչպե՞ս են նրանք մարտնչում սոցիալ-դեմոկրատների դեմ» հոդվածում գրքում Վ. Ի. Լենինը առաջ քաշեց բանվոր դասակարգի և զյուլագիության ուղեւորություն գաղափարը՝

¹ См. Первая всеобщая перепись населения Российской империи 1897 г., СПб 1905, т II, էջ 326—329, 331—332, 344, 347.

որպես ռուսական ցարիզմի և կապիտալիզմի տապալման գլխավոր պայմանի գաղափարը: «Ռուսական սոցիալ-դեմոկրատներին խնդիրները» (1897 թ.) աշխատության մեջ Վ. Ի. Լենինը նշում էր, որ ռուսական բանվոր դասակարգը իր քաղաքական պայքարում միայնակ չէ, նա ունի իր դաշնակիցները, հանձինս ճնշված ժողովուրդների: Վ. Ի. Լենինը խնդիր էր դնում պրոլետարիատի շուրջը համախմբել աշխատավոր և շահագործվող մասսաներին, ռուսական ինքնակալության կողմից ճնշված ու հետապնդվող բոլոր ժողովուրդներին:

XIX դարի վերջում դրած իր մի շարք աշխատություններում և, մասնավորապես, «Կապիտալիզմի վարդապետը Ռուսաստանում» (1898 թ.) գրքում տալով Ռուսաստանի կենտրոնական շրջաններում կապիտալիստական հարարերությունների վարդապետ խորը վերլուծությունը, Վ. Ի. Լենինը կանգ է առնում նաև ցարիզմի գաղութային ճնշման տակ գտնվող ծայրամասերի, այդ թվում և Կովկասի սոցիալ-տնտեսական պայմանների վրա, ցույց է տալիս Կովկասի գաղութացման պրոցեսը: Այս հարցերի լուսաբանման համար Վ. Ի. Լենինը հսկայական գրականություն էր ուսումնասիրել, օգտվել էր Կովկասի և նրա ժողովուրդների մասին եղած շատ սկզբնաղբյուրներից:

XIX դարի վերջից մարքսիստական գաղափարներն սկսեցին տարածվել նաև Անդրկովկասում ու Հայաստանում, ուր կապիտալիզմի վարդապետ հետևանքով առաջացել ու ձևավորվում էր բանվոր դասակարգը:

Մարքսիզմի առաջին պրոպագանդիստներն Անդրկովկասում Ռուսաստանից այստեղ աքսորված և աշխտեղից վերադարձած սոցիալ-դեմոկրատներն էին, որոնց չանքերով էլ Թիֆլիսում, Բաքվում, Բաթումիում և այլ վայրերում ստեղծվում էին մարքսիստական սոցիալ-դեմոկրատական խմբակներ:

1899 թ. Վ. Ի. Լենինը նշում էր Ռուսաստանի տարբեր վայրերում, այդ թվում նաև Կովկասում, սոցիալ-դեմոկրատական ռեոլյուցիոն աշխատանքի բավական բարձր վարդապետում¹:

Բացառիկ նշանակություն տալով պրոֆեսիոնալ ռեոլյուցիոններների կազմերի ձևավորմանը, Վ. Ի. Լենինը մեծ ուշադրություն էր դարձնում նրանց ինտերնացիոնալ կազմին և իր ռեոլյուցիոն գործունեության հենց սկզբից հոգ էր տանում բոլոր ժողովուրդների անձնվեր վավակներից պարտիական-ռեոլյուցիոն կազմերի դաստիարակելու մասին: Սկսած XIX դարի 90-ական թվականներից և մասնավորապես XX դարի սկզբից Վ. Ի. Լենինի անմիջական ղեկավարությամբ, ռեոլյուցիոն մարքսիստական պարտիայի ստեղծման ու ամրապնդման համար՝ ռուս, ուկրաինացի, վրացի, ադրբեջանցի և այլ ազգերի ներկայացուցիչների կողքին, որպես հավատարիմ լենինյաններ հանդես են գալիս նաև հայ ժողովրդի վավակները:

Լենինյան դպրոցի հայ ռեոլյուցիոն գործիչներից ամենահինը Բազակ Բրիտտափորի Լալայանցն է (1870—1933), Վ. Ի. Լենինի մոտ ընկերն ու բարեկամը:

Վ. Ի. Լենինի և Ի. Ք. Լալայանցի առաջին հանդիպումն ու անձնական ծանոթությունը տեղի է ունենում 1893 թ. սկզբին Սամարայում, որտեղ նրանք Ա. Պ. Սկլյարենկոյի հետ միասին հիմնում են մարքսիստական խմբակ: Մինչ այդ Լալայանցը ռեոլյուցիոն աշխատանք էր տարել Կովկասում, Կազանում և գլխավոր էր Ն. Է. Ֆեդոսեևի խմբակի անդամ: Լենինի հետ ունեցած առաջին իսկ

¹ Տե՛ս Վ. Ի. Լենին, Երկեր, հ. 2, էջ 428:

² Նույն տեղում, հ. 4, էջ 268:

Հանդիպումն ու գրույցները անջնջելի տպավորություն են թողնում Հայաստանի վրա: Վ. Ի. Լենինի մասին հիշողություններում նա գրել է.

«Այդ 23-ամյա մարդու մեջ ամենազարմանալի կերպով զուգակցվում էին, մի կողմից, պարզությունը, նրազգացողությունը, կենսաբախությունն ու կրքոտությունը, և մյուս կողմից՝ մեծալքությունը, գիտելիքների խորությունը, տրամաբանական անողոք հետեղականությունը, դատողության և սահմանումների պարզությունն ու հստակությունը»¹:

Իր մանկությունն ու պատանեկությունը Հայաստանը անց է կացրել Կովկասում, Ռիֆլիսում և Կովկասի այլ վայրերում, մասնակցել է սոցիալ-դեմոկրատական խմբակների աշխատանքներին: Նա լավ գիտեր Անդրկովկասի ժողովուրդների կյանքն ու կենցաղը: Տիրապետելով հայերենին, Հայաստանը օգնում էր Լենինին՝ ծանոթանալու հայ ժողովրդի ազատագրական պայքարին, հայ մարքսիստական մամուլին:

XX դարի սկզբից ուժեղանում և մշտական են դառնում Վ. Ի. Լենինի կապերը Անդրկովկասում ուսույցյին շարժումների և ուսույցյին սոցիալ-դեմոկրատների հետ: Իր աշխատություններով, «Իսկրա»-ում տպագրված հոդվածներով, բազմաթիվ նամակներով և մարդկանց միջոցով Վ. Ի. Լենինը ղեկավարում և ուղղություն էր տալիս Կովկասի սոցիալ-դեմոկրատական շարժմանը, մարքսիզմի տարածմանն ու լենինյան-իսկրայական կազմակերպությունների ձևավորմանը:

1903 թ. փետրվարի 1-ին «Իսկրա»-ում հրապարակվում է Վ. Ի. Լենինի «Հայ սոցիալ-դեմոկրատների մանիֆեստի մասին» հոդվածը, որը ծրագրային նշանակություն ունեցավ հայ մարքսիստների հետագա ամբողջ զործունեության, հայ ժողովրդի ուսույցյին ազատագրական պայքարի համար:

1902 թ. կեսերին ՌՄԴԲՊ Բաթի և Ռիֆլիսի կոմիտեների օգնությամբ և մակեդոն Շաշումյանի, Բոզդան Կնույանցի և Արշակ Զուրարյանի նախաձեռնությամբ Ռիֆլիսում կազմակերպվում է «Հայ սոցիալ-դեմոկրատների Միությունը», որը 1902 թ. նոյեմբերին հիմնադրում է լենինյան-իսկրայական ուղղության հայերեն լեզվով առաջին տպագիր «Պրոլետարիատ» անլեզալ թերթը: Թերթը սկսվում էր «Հայ սոցիալ-դեմոկրատների Միության» Մանիֆեստով: Հայ մարքսիստների օրգանը անողորմաբար մերկացնում էր ամեն տեսակի օպորտունիզմը, բուրժուական նացիոնալիստներին և մասնավորապես «ղաշնակցություն» պարտիայի ավանայությունը:

1903 թ. հունվարին Վ. Ի. Լենինը Լոնդոնում ստանում է «Պրոլետարիատ» թերթը և ուսերեն լեզվով մի ձևագիր հոդված, որի մեջ շարադրված էր թերթի համառոտ բովանդակությունը: «Պրոլետարիատ»-ը չերմորեն հետաքրքրում է Վ. Ի. Լենինին: Որոշելով նրա մասին հոդված գետեգել «Իսկրա»-ում, Վ. Ի. Լենինը 1903 թ. հունվարի 28-ին նամակ է ուղարկում ժնե Գ. Վ. Պլեյանովին, որտեղ գրում է.

¹ Հիշողություններ Վ. Ի. Լենինի մասին, Երևան, 1957 թ., էջ 135: 1933 թ. հունիսի 19-ին Ի. Ք. Հայաստանի մահվան կապակցությամբ «Պրավդա»-ում տպագրված մահախոսականում որը ստորագրել էին Մ. Ի. Ուլյանովան, Գ. Ի. Ուլյանովը և ուրիշներ, նշվում էր Հայաստանի մտերմությունը Վ. Ի. Լենինի հետ, Լենինի կողմից նրա նկատմամբ եղած բացառիկ հոգատարությունը: 90-ական թվականներից սկսած, երկար տարիների ընթացքում, — գրում էին նրանք, — Հայաստանը եղել է Լենինի գիտելիքներից և բարեկամներից մեկը: («Правда», 1933, г., № 197):

«Ուղարկում եմ Ձեզ և «Պրոլետարիատ»-ը:

Բարի եղևք խնդրել Հայաստանին կամ մեկ ուրիշին, այստեղից թարգմանելու ամբողջը, ինչ վերաբերում է նացիոնալիզմին և ֆեդերալիզմին և որքան կարելի է շուտ ուղարկել ինձ: Նրանց մասին պետք է անպայման հոգված զետեղել (ուղարկված հոգվածը ուղղման կարիք ունի, իսկ դրա համար անհրաժեշտ է բնադրը)»¹:

Իր հոգվածում հանդամանորեն քննարկելով «Պրոլետարիատ»-ի առաջին համարի նյութերը և Միության «Մանիֆեստը», Վ. Ի. Լենինը ողջունում է հայ իսկրայականներին և ուղղություն է տալիս նրանց գործունեությանը: «Մենք ամբողջ հոգով ողջունում ենք «Հայ սոցիալ-դեմոկրատների Միության Մանիֆեստը», — գրում էր Վ. Ի. Լենինը, — և մանավանդ, ազգային հարցի ճիշտ դրվածքը տալու նրա ուշադրավ փորձը»²:

Չեղարկվելով Վ. Ի. Լենինի ցուցումներով, Անդրկովկասի բոլշևիկները իրենց կազմակերպությունները կառուցում էին պրոլետարական ինտերնացիոնալիզմի սկզբունքներով, ազգային հարցի մարքսիստական-լենինյան լուծման օրինակ էին ցույց տալիս: Վ. Ի. Լենինը բարձր է գնահատել այս ուղղությամբ Անդրկովկասի՝ վրացի, հայ, ադրբեջանցի, ռուս բոլշևիկների հետեզական աշխատանքը «...Մեզ մոտ և Կովկասում, — գրել է Վ. Ի. Լենինը Խ. Մ. Գորկուն 1913 թ. փետրվարին, — ս. դ. վրացիները + հայերը + թաթարները + ռուսները աշխատում էին միասին տասը տարուց ավելի միասնական ս. դ. կազմակերպության մեջ: Այդ ֆրակ չէ, այլ ազգային հարցի պրոլետարական լուծում: Միակ լուծումը...»³:

Վ. Ի. Լենինը կազմակերպում և ուղղություն էր տալիս Անդրկովկասի պարտիական կազմակերպությունների գործունեությանը, հոգ էր տանում «Իսկրա»-ն Անդրկովկասում տարածելու մասին: «Իսկրա»-ի համարները հասնում էին նաև Հայաստան: 1901—1903 թթ. «Իսկրա»-ն և նրա հրատարակություններն ստացվում ու տարածվում էին Երևանում, Ալեքսանդրապոլում, Ջալալ-օղլիում, Կարսում, Ելենովկայում և այլ վայրերում»⁴:

Լենինյան «Իսկրա»-ն լուսարանում էր նաև Անդրկովկասում և հայ իրակա՝ նույնիսկ մեջ տեղի ունեցող կարևորագույն իրադարձությունները, դաստիարակում էր հայ իսկրայականների հիանալի կադրեր, որոնց միջոցով հրատարակվեցին և տարածվեցին հայերեն լեզվով առաջին մարքսիստական ռուսացիոն թուղթիկները, թերթերն ու բրոշյուրները:

Հայաստանում ծավալվող իրադարձությունների մարքսիստական լուսարանման համար առանձնապես կարևոր նշանակություն ունեն Վ. Ի. Լենինի հավատաբար աշակերտ ու ղեկավար Բոգդան Կնունյանցի մի շարք հոգվածները ապագրված 1903 թ. «Իսկրա»-ում («Բարձր բանվորների անընդհատ գործադուլների պահանջները», «Նոր թաղան», «Մեր տակտիկայի և կազմակերպության մի քանի հարցերը»⁵ և այլն): Վ. Ի. Լենինը բարձր գնահատական է տվել

¹ Ленинский сборник, т. IV, 1925. էջ 208:

² Վ. Ի. Լենին, Երկեր, հ. 6, էջ 411:

³ Նույն տեղում, հ. 35, էջ 79:

⁴ Տե՛ս ЦПАИМЛ, ֆ. 25, օր. 20, և. 34403; ЦГИА ГрнзССР, ֆ. 39, և. 556; ЦГИА Арм. ССР, ֆ. 121, և. 3; «Исторический архив», 1959, № 2, էջ 257:

⁵ Տե՛ս «Искра», 1903 г., № 47:

⁶ Տե՛ս Նույն տեղում, № 49:

⁷ Տե՛ս Նույն տեղում, № 51:

Բ. Կնունյանցի մասնակցությունը ՌՄԴԲՊ 2-րդ համագումարի աշխատանքներին և նրա հետագա գործունեությունը:

Պահպանվել են բազմաթիվ փաստաթղթեր, որոնք ցույց են տալիս, որ Վ. Ի. Լենինը մեծ ուղադրություն էր նվիրում Անդրկովկասում անլեզալ ռեուլյուցիոն գրականության հրատարակության գործի կազմակերպմանն ու ծավալմանը:

1903—1905 թթ. Թիֆլիսում վրացերեն, հայերեն և ռուսերեն լեզուներով լույս է տեսնում ՌՄԴԲՊ Կովկասյան միությունական Կոմիտեի օրգան «Պրոլետարիատի կոիվը» թերթը, որն արժանանում է Վ. Ի. Լենինի ջերմ հավանությունն ու օժանդակությունը: Վ. Ի. Լենինի նախաձեռնությամբ պարտիայի կենտրոնական օրգան «Պրոլետարի»-ն հաղորդումներ էր տպագրում այդ թերթի յուրաքանչյուր համարի մասին, տալիս էր նրանում տպագրված հոդվածների տեսությունը, իսկ առանձին հոդվածներ արտատպում էր:

«Պրոլետարիատի կոիվը» թերթում են տպագրվել Վ. Ի. Լենինի աշխատությունների առաջին հայերեն թարգմանությունները: 1903 թ. ապրիլ-մայիսին թերթի № 2—3-ում լույս են տեսնում Վ. Ի. Լենինի «Միապետությունը տատանվում է» և «Պարտիայի 2-րդ համագումարի հրավերման կազմակերպչական կոմիտեի ծանուցումը» հոդվածները, 1905 թ. հունիսի 1-ի № 6-ում՝ «Ներքող համագումարը» հոդվածը և 3-րդ համագումարի բանաձևը՝ Կովկասի ղեկավարի մասին («Ներքող համագումարի որոշումը՝ Կովկասում պատահած անցքերի առթիվ»), որը գրել էր Վ. Ի. Լենինը, 1905 թ. հուլիսի 15-ի № 7-ում լույս է տեսնում «Հեղափոխական պրոլետարիատի ղեմավարական նպատակները» հոդվածը:

1905 թ. սկզբներին Հավլարարի տպարանում հայերեն թարգմանությամբ առանձին բրոշյուրով տպագրվում է Վ. Ի. Լենինի «Պրոլետարիատի և դյուդացիության հեղափոխական ղեմավարական դիկտատուրայի մասին» աշխատությունը: Նույն թվականի հուլիսի 20-ին լույս է տեսնում Վ. Ի. Լենինի «Պետական կադմի երեք սահմանադրություն կամ երեք կարգ» թերթիկը՝ 1500 օրինակով, «ՌՄԴԲՊ Կովկասյան Միության Թիֆլիսի կոմիտե» ստորագրությամբ²:

1905 թ. Անդրկովկասի բոլշևիկները հայերեն լեզվով հրատարակում են պարտիայի 3-րդ համագումարի որոշումները, 3-րդ համագումարում ընդունված պարտիայի կանոնադրությունը, Տամերֆորսի կոնֆերանսի բանաձևերը և այլ նյութեր, որոնց մշակման գործում ղեկավար մասնակցություն էր ունեցել Վ. Ի. Լենինը:

1906 թ. Վ. Ի. Լենինի աշխատություններից թարգմանարար քաղվածքներ

¹ Նախառուլյուցիոն շրջանում Մարքսի, Էնգելսի, Լենինի աշխատությունների առաջին հայերեն թարգմանությունների մասին տես Վ. Ավետիսյան, «Լենինի և Ստալինի աշխատությունների հայերեն թարգմանությունները նախառուլյուցիոն շրջանում» («Բիրլիոգրաֆիական տմսագիր», Երևան, 1941, № 1, էջ 8—14), Ե. Խաչյան, «Կոմունիստական մանիֆեստի հայերեն թարգմանությունները և հրատարակությունները» (ՀՍՍՌ ԳԱ, Հասարակական գիտությունների «Տեղեկագիր», 1948, № 3, էջ 3—10), «Մարքսի, Էնգելսի, Լենինի, Ստալինի աշխատությունների հայերեն հրատարակությունների բիրլիոգրաֆիա», կազմեցին Լ. Բ. Մելքոնյան, Վ. Ն. Կարմենյան, Երևան, 1950, «Հայ պարբերական մամուլի բիրլիոգրաֆիա», կազմեց Հովհ. Պետրոսյան, Երևան, 1954, Խ. Բարսեղյան, «Հայ բոլշևիկյան պարբերական մամուլի պատմություն», Երևան 1955:

² Տե՛ս А. Лабирская нелегальная типография, сборник материалов и документов. Тбил си 1954. էջ 16—32:

են տպագրում «Կայծ» և «Նոր խոսք» լուշեիկյան լեզուի թերթերը: «Կայծ»-ի 1906 թ. № 14-ում ընդարձակ քաղվածք է բերված Վ. Բ. Լենինի «Նոր վերելք» հոդվածից, իսկ «Նոր խոսք»-ի № 6-ում՝ «Փոթորկից առաջ» հոդվածից:

Վ. Բ. Լենինի աշխատությունների այս առաջին հայերեն թարգմանություններն ու հրատարակությունները, որոնք հրապարակվում էին նրա աշակերտների կողմից, խոշոր դեր խաղացին հայ աշխատավորության դասակարգային գիտակցության ձևավորման գործում, ոտքի հանեցին նրանց ընդդեմ ցարիզմի և բուրժուազիայի:

Մեծ ուշադրություն նվիրելով յազգային լեզուներով մարքսիստական գրականության հրատարակմանը, Վ. Բ. Լենինը պարտիայի 2-րդ համագումարից անմիջապես հետո այդ մասին հարց է դնում ՌՍԴԲՊ Կենտրոնական Կոմիտեի առաջ: 1903 թ. հոկտեմբերին ժնեից Կովկասյան Միութենական Կոմիտեին ուղարկած նամակում Վ. Բ. Լենինը և Գ. Վ. Պլեխանովը գրում էին. «Մենք այժմ եռանդուն մտածում ենք այստեղ վրացական և հայկական գրականության հրատարակության կազմակերպման մասին: Այդ գործին ձեռնամուխ են եղել ձեռնհաս բնիկները. փող, հույս ունենք ճարել: Հարկավոր է օգնություն և՛ դրականությամբ, և՛ միջոցներով:

Կովկասի բնիկներին հղում ենք ողջույն և ջերմորեն ցանկանում ենք համագործակցության աշխատանքի մեջ»¹:

Վ. Բ. Լենինը շատ ջանք է թափում այդ գործն իրականացնելու համար: 1904 թ. դեկտեմբերին նրա նախաձեռնությամբ ժնեում, ՌՍԴԲՊ Կենտրոնական Կոմիտեին կից ստեղծվում է վրացերեն և հայերեն լեզուներով պարտիական սոցիալ-դեմոկրատական գրականության հրատարակության հանձնաժողով, որը վրացական խմբեր ունենալով Փարիզում, Մյունխենում, Լայպցիգում, Ժնևում, և հայկական խմբեր՝ ժնևում ու Բեռլինում: Հրատարակված գրականությունը հանձնաժողովն ուղարկում էր խմբերին, իսկ վերջինների միջոցով՝ Կովկաս²:

Հանձնաժողովում Վ. Բ. Լենինի հանձնարարությամբ ղեկավար դեր էր կատարում Ս. Գ. Շահումյանը, որն այն ժամանակ գտնվում էր ժնևում: Հայերեն լեզվով մարքսիստական գրականության հրատարակչությամբ զբաղվում էին նաև Արշակ Զուրաբյանը, Միքայել Մանուչարյանը և ուրիշներ:

1904 թ. հանձնաժողովը հրատարակում է Կ. Մարքսի և Ֆ. էնգելսի «Կոմունիստական պարտիայի մանիֆեստ»-ը՝ երեք առաջաբաններով, Ս. Շահումյանի և Մ. Մանուչարյանի թարգմանությամբ: Հանձնաժողովի կողմից հրապարակվեցին նաև Կ. Մարքսի «Վարձու աշխատանք և կապիտալ»-ը (Ս. Շահումյանի թարգմանությամբ), «Ռուսաստանի սոցիալ-դեմոկրատական բանվորական պարտիայի երկրորդ համագումարի մասին ծանուցումը» լենինյան փաստաթղթերով և մարքսիստական այլ գրականություն: Այս հրատարակությունների վերջում նշվում էր հանձնաժողովի հասցեն Վ. Բ. Լենինի անունով՝ V. I. Lenhoff, 3, rue de la Coline (près Pont—Neuf), Geneve. — Suisse. և լրջ «КОМИССИИ»³:

¹ Վ. Բ. Լենին, Երկեր, հ. 34, էջ 199:

² Տե՛ս «Հայերեն և վրացերեն լեզուներով սոցիալ-դեմոկրատական գրականության հանձնաժողովի» հաշվետվությունը. Մարքսիզմ-լենինիզմի ինստիտուտի արխիվ, փաստաթուղթ №35420:

³ Տե՛ս Կ. Մարքս և Ֆ. էնգելս, Մանիֆեստ կոմունիստական կուսակցության, ժնև, 1904 թ.:

Վ. Ի. Լենինը անձամբ հետևում և ուղղություն էր տալիս հանձնաժողովի աշխատանքներին, կազմակերպում էր հրատարակված զրականության առարկումը Անդրկովկաս, կապ էր պահպանում կովկասյան ընկերների հետ:

Բարձր գնահատելով Անդրկովկասի բուլշևիկների մեծ աշխատանքը բուլժուական նացիոնալիզմի դեմ մղվող պայքարում, Վ. Ի. Լենինը նրանց ցուցում էր տալիս միշտ հավատարիմ մնալ պրոլետարական ինտերնացիոնալիզմի դրոշմին: Իր աշխատություններում և պրակտիկ գործունեությամբ Վ. Ի. Լենինը անուղղաբար մերկացրել է վրացական, հայկական ու ադրբեջանական բոլոր գույնի նացիոնալիստներին, բուրժուա-նացիոնալիստական, պարտիաներին ու խմբերին, որոնք ձգտում էին անջատել իրարից հայ, վրացի, ադրբեջանական բանվորներին ու աշխատավորական մասսաներին, կտրել նրանց ուս պրոլետարիատի դաշակարգային պայքարից և զբաղվել իսկ կազմալուծել ուսույցի շարժումները Անդրկովկասում:

1905 թ. սեպտեմբերի 7-ին ՌՄԳԲՊ կենտրոնական կոմիտեին ուղարկած նամակում Վ. Ի. Լենինը ամենայն խստությամբ նշաւակում էր ժնկի հայ սպեցիֆիկների խումբը, որակելով նրանց որպես «բունդական կրեատուրա» և «ժնկյան կազմալուծիչների շայկա»: «Խիստ նախազգուշացնում եմ «հայկական ս. -դ. ֆեդերացիային» վերաբերյալ, — գրում էր Վ. Ի. Լենինը, — եթե դուք համաձայնել եք, որ նա մասնակցի կոնֆերենցիային¹, ապա ճակատագրական սխալ էք կատարել, հարկավոր է ուղղել ինչ էլ ու լինի: Դրանք մի գույզ ժնկյան կազմալուծիչներ են, որոնք այստեղ հրատարակում են ամենազատարկ բաներ, առանց որևէ լուրջ կապերի կովկասի հետ: Դա բունդական կրեատուրա է, որի շուրջ, որը հատկապես հորինված է կովկասյան բունդիզմը սնելու համար: Եթե դուք թույլ տաք այդ մարդկանց ռուսական կոնֆերենցիա, այսինքն՝ Ռուսաստանում աշխատող կազմակերպությունների կոնֆերենցիա գալու, դուք ստրասսիլի կիսաշտառակվեք: Կովկասի ընկերները բոլորն էլ դեմ են գրական-նազեմ կազմալուծիչների այդ շայկային (այդ բանը ես գիտեմ շատերից), և մենք շուտով կշշպրենք նրանց «Պրոլետարի»-ում: Դուք կառաջացնեք միայն կովկասի բուդոֆները և «հաշտության» ու «միավորման» փոխարեն՝ նուր գլխով ուտոց: Ասացեք խնդրեմ, ինչպե՞ս կարելի է անտեսել կովկասյան Միությունը, Ռուսաստանում՝ բազմաթիվ աշխատողներին և մտերմանալ ժնկյան ճահճի տականքների հետ: Աղերսում եմ, մի արեք այդ բանը»:

Վ. Ի. Լենինը հատուկ ուժով մերկացրել է «ղաշնակցություն» պարտիան և նրա ունակցիոն գործիչներին: 1907 թ. «Սոցիալ-դեմոկրատիայի ազրաբային ծրագիրը ուսական առաջին ուսույցիայում» աշխատության մեջ Վ. Ի. Լենինը ցույց է տվել, որ 3-րդ Պետական դումայում «ղաշնակցություն» պարտիայի ներկայացուցիչներ Հ. Սուլաթելյանը (Երևանի նահանգից) և Տեր-Ավետիքյանը (Երևանի նահանգից) ազրաբային հարցում կանգնած էին գյուղական համայնքի պաշտպանության ունակցիոն տեսակետի վրա, փաստորեն հանդիս էին դալիս բուրժուազիայի և կալվածատերերի՝ ցարիզմի այդ հավատարիմ հենարանների օգուին²: Սուլաթելյանին Վ. Ի. Լենինը հեղինակում անվա-

¹ Խոսքը Ռուսաստանում սոցիալ-դեմոկրատական կոնֆերենցիայի մասին է, որը կայացավ Ռիգայում 1905 թ. սեպտեմբերի 7-9-ը. — Գ. Ղ.

² Վ. Ի. Լենին, Երկեր, հ. 34, էջ 383—384:

³ Նույն տեղում, հ. 13, էջ 513—514:

նեղ է «համայնքի պատվարժան ասպետ»¹, որը ուղբում է Ռուսաստանում գյուղական համայնքին սպառնացող վտանգի համար:

Իր հետագա աշխատություններում Վ. Ի. Լենինը բազմիցս խոսել է գյուղականների մասին, մերկացրել նրանց կոնտրոկուցիոն կոթիվներ:

* * *

Ռևակցիայի, բանվորական շարժման նոր վերելքի և իմպերիալիստական պատերազմի տարիներին հարկադրաբար գտնվելով էմիգրացիայում, Վ. Ի. Լենինը շարունակում էր ղեկավարել ինչպես ամբողջ պարտիայի, այնպես էլ նրա անդրկովկասյան ջոկատի աշխատանքները, ուղղություն էր տալիս երկրում ծավալվող սևույցիոն շարժումներին: Վ. Ի. Լենինը մշտական կապ ուներ Անդրկովկասի բոլշևիկների հետ, հետևում էր նրանց աշխատանքին, նամակներով ու կենդանի մարդկանց միջոցով դիմելով նրան, ցուցումներ էր տալիս նրանց: «Կովկասյան բոլշևիկների խմբի հետ մենք միշտ առանձնապես բարեկամական նամակագրություն ունենինք», — հիշում է Ն. Կ. Կրուպսկայան:

1954 թ. Վ. Ի. Լենինի Կրակով-Պորանինոյի արխիվից, այլ փաստաթղթերի հետ միասին, Կենտրոնական պարտիական արխիվն է հանձնվել նաև ՌՍԳԲԴ Կենտկոմի հասցեների գիրքը, Ն. Կ. Կրուպսկայայի կազմած 1912—1914 թթ. ուսական այն հասցեներով, որոնց միջոցով պարտիայի Կենտկոմը, Վ. Ի. Լենինը և Ն. Կ. Կրուպսկայան կապվում էին տեղական պարտիական կազմակերպությունների և առանձին գործիչների հետ: Դրանց մեջ մեծ տեղ են գրավում Անդրկովկասի տարբեր քաղաքներում (Բաքու, Ռիֆիս, Քուբայիս, Սուխումի, Սամտրեդի և այլն) բնակվող, ինչպես նաև աքսորավայրերում եղած պարտիական գործիչների՝ Ս. Շահումյանի, Ա. Զափարիձեի, Ս. Սպանդարյանի, Ֆ. Մախարաձեի, Ի. Լալայանցի, Ե. Ստասովայի, Վ. Բիրինջվիլու, Ս. Տորոշևիձեի, Մ. Կարակոզովի և ուրիշների հասցեները:

Ռևակցիայի տարիներին բոլշևիկյան կենտրոնի՝ Ռուսաստանի հետ կապերի մասին են վկայում Կրուպսկայայի նամակները Մ. Վ. Կորեցկուն², որոնք նույնպես վերջերս հրատարակվել են «Исторический архив» ժուռնալում:

Պահպանվել է Վ. Ի. Լենինի և Ն. Կ. Կրուպսկայայի նամակագրությունը Ս. Շահումյանի, Մ. Յիսակայայի, Ս. Սպանդարյանի, Ս. Օրջոնիկիձեի, Ե. Գ. Ստասովայի, Ա. Ս. Ենուկիձեի, Վ. Կասպարովի, Ա. Բեկդադյանի, Ս. Կասյանի և ուրիշների հետ: Վ. Ի. Լենինը Կովկաս էր ուղարկում փորձաված պարտիական գործիչների՝ տեղում օգնություն կազմակերպելու համար: 1911—1913 թթ. Վ. Ի. Լենինի հետ արտասահմանում հանդիպումներ են ունենում Ի. Ստալինը, Ս. Օրջոնիկիձեն, Ս. Սպանդարյանը, Կամոն (Սիմոն Տեր-Պետրոսյան) և ուրիշներ, որոնք տեղեկություններ էին հաղորդում պարտիայի առաջնորդին՝ Ռուսաստանում և Կովկասում տեղի ունեցող իրադարձությունների մասին և նրանից կոնկրետ ցուցումներ ստանալով, վերադառնում էին Ռուսաստան:

¹ Վ. Ի. Լենին, Երկեր, հ. 34, էջ 313:

² Н. К. Крупская, Воспоминания о Ленине, Москва, 1957 г., էջ 177:

³ Տե՛ս «Исторический архив», 1959 г., № 1.

⁴ Տե՛ս նույն տեղում:

⁵ Տե՛ս ЦПАИМЛ, ֆ. 17, օպ. 2, Էժ. 29, 55, 139, 154, 231, 253, 275 և ռ. ձ., «Исторический архив», 1957 № 1, էջ 3—43, № 2, էջ 41—64:

Կոմունիստական պարտիայի, ազգային հարցում նրա թեորիայի ու քաղաքականության մշակման, անդրկոլկասյան բոլշևիկյան կազմակերպությունների, հայ ժողովրդի ուղղություն-ազատագրական պայքարի կազմակերպման համար անգնահատելի նշանակություն ունեցավ Վ. Ի. Լենինի և Ս. Գ. Շահումյանի նամակադրությունը, որը սկսվեց 1904 թ. և շարունակվեց մինչև 1918 թ.:

Բարձր գնահատելով Ս. Շահումյանի մարքսիստական տեսական պատրաստականությունը, Վ. Ի. Լենինը խորհրդակցում էր նրա հետ ազգային հարցում պարտիայի ծրագրերը մշակելիս, հարցերը պարզելու համար նյութեր էր խնդրում նրանից, ցույց էր տալիս նրա առանձին սխալները: Ս. Շահումյանը իր կարծիքներն էր հայտնում Վ. Ի. Լենինին, նյութեր էր ուղարկում նրան Կովկասում ազգային հարցի, այդ թվում նաև հայկական գործերի մասին:

1913 թ. օգոստոսի 24-ին Պորոնինոյից Աստրախան ուղարկված նամակում Վ. Ի. Լենինը Ս. Շահումյանին գրում էր. «Թանկագին ընկեր: Վերադասնալով տուն, ես գտա Ձեր նամակը: Անպայմանորեն ավելի շատ նյութեր ուղարկեցե՛ք ազգային հարցի մասին Կովկասում (քանի որ դուք, Վրաստանում, ինքներդ գրել չե՛ք կարող), և Կոստոնովի հոդվածը, և նրա գրքուկները, շեյնգատների զեկուցումները սուսերեն թարգմանությամբ (հուսով եմ, կգտնեք որևէ մեկին, որին կարելի է հանձնարարել), և Կովկասի ազգությունների վիճակագրությունը, և նյութեր Կովկասում, Պարսկաստանում, Թուրքիայում և Ռուսաստանում ազգությունների հարաբերությունների մասին, մի խոսքով՝ այն բոլորը, ինչ կա ու ինչ հավաքել կարող եք, ուղարկեցե՛ք: Մի մոռացե՛ք նույնպես փնտրել աշխարհի Կովկասցի ընկերներ, որոնք կարողանային Կովկասում ազգային հարցի մասին հոդվածներ գրել»:

1913 թ. սեպտեմբերի 7-ի նամակում Ս. Շահումյանը Վ. Ի. Լենինին հայտնում էր. «Ուղարկում եմ Ձեզ խոստացածս բրոշյուրը և հայկական գործերի վերաբերյալ երկու զեկուցումների թարգմանությունը»¹: Այնուհետև նույն գրում էր ազգային հարցի վերաբերյալ մի շարք աղբյուրների և այլ գործերի մասին:

Պատասխանելով Ս. Շահումյանի 1913 թ. նոյեմբերի 15-ի նամակին Վ. Ի. Լենինը նույն թվականի դեկտեմբերի 6-ին գրում էր. «Թանկագին բարեկամ: Շատ թւրախ եղա 15 XI թվակիր Ձեր նամակի համար: Ի՞նչ պիտի իմանաք, որ իմ վիճակում մարդ անշափ գնահատում է Ռուսաստանի ընկերների, մտնավանդ խոհուն և տվյալ հարցով զբաղվող ընկերների կարծիքները: Ձեր արագ արձագանքելը այս պատճառով ինձ համար առանձնապես հաճելի էր: Ձերո՞ւմ ես քեզ ավելի պակաս կարված, երբ այդպիսի նամակներ ես ստանում»²:

Այս նույն նամակում Վ. Ի. Լենինը առաջարկում է Ս. Շահումյանին հանրամատչելի բրոշյուր գրել ազգային հարցի վերաբերյալ և նշում այդպիսի բրոշյուրի անհրաժեշտությունը³:

Կատարելով Վ. Ի. Լենինի առաջարկը, Շահումյանը 1914 թ. հայերեն լեզվով հրատարակում է իր «Ազգային-կուլտուրական ավտոնոմիայի մասին» աշ-

1 Վ. Ի. Լենին, Երկեր, հ. 35, էջ 104:

2 Ստ. Շահումյան, Երկեր, հ. 2, էջ 259:

3 Վ. Ի. Լենին, Երկեր հ. 19, էջ 623:

4 Տե՛ս նույն տեղում, էջ 627:

խատույթները ուղղված հայ բունդականների՝ սպեցիֆիկների պարագլուխ Իավիթ Անանուի դեմ: Աղդային հարցի վերաբերյալ լենինյան սկզբունքների պաշտպանությանն ու պրոպագանդային նվիրված այս բրոշյուրը խոշոր դեր խաղաց հայ աշխատավորության խնդիրներին ազատագրության գործում:

1914 թ. մայիսի 19-ի նամակում Վ. Ի. Լենինը առաջարկում է Ս. Շահումյանին «Պրոսվեշենիս» բուլղարական ժուռնալում անպայման տալ այդ բրոշյուրի «selbstanzeige» (հաղորդում հեղինակից — Գ. Ղ.) կամ շարադրանք, որի համար առաջարկում է իր պլանը¹:

Առաջին համաշխարհային պատերազմի նախօրյակին սևահարյուրակային նացիոնալիզմի և շովինիզմի ուժեղացման պայմաններում Անդրկովկասի բուլղարիկներին անդհահատելի օգնություն ցույց տվին Վ. Ի. Լենինի աշխատությունները ազգային հարցի մասին («Քննադատական դիտողություններ ազգային հարցի տուրիվ», «Ազգային ինքնորոշման իրավունքի մասին» և այլն), ՌԽԳԲՊ Կենտկոմի 1913 թ. Կրակովի և Պորոնինոյի խորհրդակցությունների որոշումները, որոնք կոնկրետ ուղիներ էին նշում սևոլյուցիայի վարդապետության, ազգային հարցի մարքսիստական լուծման համար:

Առաջին համաշխարհային պատերազմի նախօրյակին և պատերազմի ժամանակ զրաժ իր մի շարք աշխատություններում Վ. Ի. Լենինը բազմիցս անդրադարձել է Հայաստանի նկատմամբ ցարիզմի իմպերիալիստական քաղաքականության հարցերին:

Դատապարտելով ցարիզմի ավազակային քաղաքականությունը, Վ. Ի. Լենինը նշում էր, որ ցարական կառավարությունը արտաքին նվաճումների միջոցով ուզում է խեղդել Ռուսաստանի և մյուս ժողովուրդների ազատագրական շարժումը, նրանց ձգտումը դեպի ազատությունն ու մայրենի լեզուն:

Պատերազմի, խաղաղության և սևոլյուցիայի վերաբերյալ լենինյան թևերից էր տալիս, որ Ռուսաստանի բոլոր ժողովուրդների ազատագրումը հնարավոր է միայն սոցիալիստական սևոլյուցիայի միջոցով: Իմպերիալիստական պատերազմի տարիներին Անդրկովկասի բուլղարիկները մինչև վերջ հավատարիմ մնացին սոցիալիզմի ու ինտերնացիոնալիզմի դրոշմին, լենինյան ուսմունքով զինված՝ նրանք անողոր պայքար էին մղում դաշակցության, վրացական մենշևիկների և մուսավթականների դեմ, որոնք պաշտպանում էին կործանարար պատերազմը, Անդրկովկասի ժողովուրդների մեջ տարածում էին նացիոնալիստական վարակ:

1915 թ. հոկտեմբերի 1-ին Վ. Ի. Լենինին և Ն. Կ. Կրուպսկայային դրած ծածկագիրը նամակում ջերմորեն պաշտպանելով պատերազմի մասին լենինյան հայացքները, Ս. Շահումյանը հաշիվ էր տալիս պարսիայի առաջնորդին Կովկասի բուլղարիկյան կազմակերպությունների գործունեության վերաբերյալ, նշում էր Վ. Ի. Լենինի նամակների, խորհուրդների, ցուցումների խոշոր նշանակությունը Կովկասի բուլղարիկների համար: «Ձեր նամակները, խորհուրդները և ցուցումները, — գրում էր Շահումյանը Լենինին և Կրուպսկայային, — ինձ համար միշտ, ամեն բանից թանկ են եղել... Դուք ուզում եք փմանալ, թե էս ինչ եմ մտածում և ինչ եմ անում: Կարծեմ այս անգամ էլ Ձեզ հետ միանման եմ մտածում, և երբ առաջին անգամ ստացա զրա հաստատումը (մոտ մի տարի սրանից առաջ), շատ երջանիկ զղացի ինձ... Ընդհանրապես ասած՝ թույլ եմ տալիս

¹ Տե՛ս Վ. Ի. Լենին, Երկեր, հ. 35, էջ 149:

կարծելու, որ ես և մեր բոլոր ազգականները [բոլշևիկները] բարձր ենք պահում մեր բնական (բոլշևիկյան պարտիայի) դրոշակը և որ Դուք կարող եք մեր ռեպուտացիայի համար հանգիստ լինել»¹:

* * *

Հոկտեմբերյան Սոցիալիստական Մեծ ռեվոլյուցիայի նախապատրաստման ու իրագործման ժամանակաշրջանում լենինյան զաղափարները, սոցիալիստական ռեվոլյուցիայի լենինյան թեորիան խոր արմատներ են գցում նաև Հայաստանի բանվորների, գյուղացիների և զինվորների լայն մասսաների մեջ: Բոլշևիկյան կազմակերպությունների ղեկավարությամբ նրանք պայքարի են դուրս գալիս պրոլետարական ռեվոլյուցիայի լենինյան գծի հաղթանակի համար:

Փետրվարյան բուրժուա-դեմոկրատական ռեվոլյուցիայից հետո գրած իր հայտնի «Նամակներ հեռից»-ում Վ. Ի. Լենինը նշում էր, որ Ռուսաստանի բուրժուական կառավարությունը «...պատերազմի կառավարություն է, իմպերիալիստական սպանող շարունակելու կառավարություն, կոռուպտի կառավարություն, որն ուզում է կողոպտել Հայաստանը, Գալիցիան, Թուրքիան, խլել Կոստանդնուպոլիսը, նորից նվաճել Ահմատանը, Կոնստանդինոպոլիսը, Լիտվական երկիրը և այլն...»:

Հայ ժողովուրդը ջերմորեն ընդունեց Հոկտեմբերյան Սոցիալիստական Մեծ ռեվոլյուցիան, աշխարհում առաջին Սովետական կառավարության ստեղծումը Վ. Ի. Լենինի նախազահությունով: Հոկտեմբերյան ռեվոլյուցիայի լենինյան ղեկերտները բացեցին Ռուսաստանի բոլոր ճնշված ժողովուրդների, այդ թվում նաև հայ ժողովրդի ազատագրության դուռը:

Սոցիալիստական ռեվոլյուցիայի հաղթանակի համար մղվող պայքարը Անդրկովկասում և Հայաստանում ընթացավ յուրահատուկ, ավելի բարդ իրադրության պայմաններում, քան Ռուսաստանի կենտրոնական շրջաններում: Այստեղ, օտարերկրյա իմպերիալիստների հովանավորությամբ ակտիվորեն գործում էին բուրժուա-նացիոնալիստական պարտիաները՝ զաշնակցականները, վրացական մենշևիկները, մեծաավանդականները և այլն: Թաքնվելով նացիոնալիստական դրոշմի տակ, չարաշահելով տեղական ժողովուրդների սոցիալին զգացմունքները, նրանք ամեն կերպ ձգտում էին կտրել նրանց համառուսաստանյան ռեվոլյուցիոն շարժումներից, անջատել Անդրկովկասը Ռուսաստանից և հաստատել սոցիալին բուրժուազիայի քաղաքական տիրապետություն: Այդ նպատակով 1917 թ. նոյեմբերի 15-ին ստեղծվեց այսպես կոչված Անդրկովկասյան կոմիտարիատը, իսկ 1918 թ. փետրվարի 10-ին Անդրկովկասյան սեյմը, որոնք հակասովետական կոալիցիայի ղեկավար կենտրոններ էին՝ ուղղված Սովետական Ռուսաստանի և ռեդի ժողովուրդների դեմ:

Վ. Ի. Լենինը ամենայն ուշադրությամբ հետևում էր Անդրկովկասում ծավալվող իրադարձություններին, ղեկավար ցուցումներ էր տալիս և օգնություն կազմակերպում տեղական ժողովուրդներին նրանց ազատագրական պայքարում: Սովետական կառավարությունը, Վ. Ի. Լենինի ղեկավարությամբ, բազմիցս դրադվում է Կովկասի խնդիրներով: Սովետական կառավարության օրոշմամբ 1917 թ. ղեկտեմբերին Ազգությունների գործերի ժողովրդական

¹ Ս. Խ. Շահումյան, Երկեր, հ. 2, էջ 348, 349:

² Վ. Ի. Լենին, Երկեր, հ. 23, էջ 410:

կոմիսարիատին կից ստեղծվում է Հայկական գործերի կոմիսարիատ, որը խոշոր դեր է կատարում հայ ժողովրդին Հոկտեմբերյան ռևոլյուցիայի գրոշի շուրջը համախմբելու գործում: Հայկական գործերի կոմիսար է նշանակվում ավանաժողովի պետական գործիչ Վառլամ Ավանեսովը (Սուրեն Մարտիրոսյան), կոմիսարի տեղակալ՝ հայ անվանի պոետ, բոլշևիկ Վահան Տերյանը:

1917 թ. դեկտեմբերի 17-ին Սովետական Ռուսաստանի կառավարությանը, Վ. Ի. Լենինի նախագահությամբ, քննարկում է Կովկասում ստեղծված զրույթյան հարցը և որոշում Կոմունիստական պարտիայի Կենտրոնական Կոմիտեի անդամ և Բաքվի Սովետի նախագահ Ս. Շահումյանին նշանակել Կովկասի գործերի ժամանակավոր արտակարգ կոմիսար:

Սովետական իշխանության առաջին իսկ լենինյան դեկրետների մեջ Ռուսաստանի մյուս ճնշված ու շահագործվող ժողովուրդների թվում, ճանաչվում է նաև հայերի իրավունքը ազատ կերպով որոշելու իրենց քաղաքական բախտը:

1917 թ. նոյեմբերի 20-ին Վ. Ի. Լենինի առաջարկով Ռուսաստանի և Արևելքի բոլոր աշխատավոր մասսաներին ուղղված դիմումի մեջ Սովետական կառավարությունը հայտարարում է, որ «...Թուրքիայի բաժանման և նրանից Հայաստանը «խլելու» մասին պայմանագիրը պատռված ու ոչնչացված է: Երբ կդադարեն ռազմական գործողությունները, հայերին իրավունք կապահովվի ազատ կերպով որոշելու իրենց քաղաքական բախտը»¹:

1917 թ. դեկտեմբերի 19-ին Սովետական Ռուսաստանը դիմում էր Գերմանիայի, Ավստրո-Հունգարիայի, Բուլղարիայի և Թուրքիայի ժողովուրդներին, կոչ անելով նրանց ճնշում գործադրել իրենց կառավարությունների վրա, հրաժարվել ուրիշ երկրներ պալթելու իրենց քաղաքականությունից, թույլ չտալ գերմանական ու ավստրիական իմպերիալիստներին պատերազմ մղելու ռևոլյուցիոն Ռուսաստանի դեմ՝ Լեհաստանը, Լիտվան, Կուռլանդիան և Հայաստանը ստրկացնելու համար:

1917 թ. դեկտեմբերին Հայաստանի հարցը մի քանի անգամ քննարկվում և Ժողովրդական կոմիսարների Սովետի նիստերում (դեկտեմբերի 20-ին, 23-ին, 29-ին): Դեկտեմբերի 29-ին Վ. Ի. Լենինի և Ի. Վ. Ստալինի ստորագրությամբ դեկրետ է ընդունվում «Թուրքահայաստանի մասին», որը հրապարակվում է «Պրավդա» թերթում 1917 թ. դեկտեմբերի 31-ին և «Իզվեստիա ՎՅԻՍ»-ում՝ 1918 թ. հունվարի 1-ին:

«Ժողովրդական կոմիսարների Սովետը հայտարարում է հայ ժողովրդին, — ասված է դեկրետում, — որ Ռուսաստանի բանվորական և գյուղացիական կառավարությունը պաշտպանում է Ռուսաստանի կողմից օկուպացված «Թուրքահայաստանի» հայերի ազատ ինքնորոշման իրավունքը՝ ընդհուպ մինչև կատարյալ անկախությունը»²:

1918 թ. հունվարին Սովետների Համառուսաստանյան 3-րդ համագումարը լիովին հավանություն է տալիս Սովետական կառավարության ազգային քաղաքականությանը, այդ թվում նաև «Թուրքահայաստանի» մասին լենինյան դեկրետին և հաստատում այն³: Համագումարում ընդունված «Աշխատավոր

¹ Декреты Советской власти, т. 9, 114:

² Նույն տեղում, էջ 259:

³ Նույն տեղում, էջ 341, 351:

ու շահագործվող ժողովրդի իրավունքների ղեկարացիայում», որը գրել էր Վ. Ի. Լենինը, նշված էր. «3-րդ համագումարը ողջունում է ժողովրդական կոմիսարների Սովետի քաղաքականությունը, որը հռչակել է Ֆինլանդիայի լիակատար անկախությունը, սկսել է Պարսկաստանից դուրս բերել զորքերը, հայտարարել է Հայաստանի ինքնորոշման ուղատույնը»¹:

«Ռուրիկահայաստանի մասին» ղեկրետը պայմաններ պետք է ստեղծեր Ռուրիկայի արյունոտ լծից արևմտահայերի ազատագրման համար: Այն արտահայտում էր լենինյան հոգատարությունը հայ ժողովրդի նկատմամբ: Հոկտեմբերյան սեռյուցիայից հետո Վ. Ի. Լենինն ընդունել էր ականավոր բոլշևիկ Սաբուդա Լուկաշինին ու Վահան Տերյանին, զրուցել էր նրանց հետ հայերի վիճակի և Հայաստանի մասին: Վ. Ի. Լենինի հանձնարարությամբ Վ. Տերյանը ղեկուցագիր էր ներկայացրել Արևմտյան Հայաստանի վիճակի վերաբերյալ²:

Պատմելով Վ. Ի. Լենինի հետ ունեցած իր տեսակցության մասին, Վ. Տերյանը նշում է, թե ինչպիսի ուշադրությամբ էր վերաբերվում Վ. Ի. Լենինը հայ ժողովրդի ազատագրման գործին: Արևմտյան Հայաստանի հարցի և այդ կապակցությամբ Հայաստանից ուսական զորքերը հանելու վերաբերյալ Վ. Ի. Լենինի հետ ունեցած իր զրույցի մասին Վ. Տերյանը պատմում է.

«Այսօր զրույց ունեցա այդ ասիլի և ընկ. Լենինի հետ, որին բացատրեցի, թե ինչու անհրաժեշտ է առայժմ զորքերը չհանել Հայաստանից և պայմանավորել Հայաստանի ինքնորոշումը արտոլվածների և փախստականների վերադարձով ու այլ գարանտիաներով: Նա շատ լավ վերաբերվեց և պարզեց, որ երբ ինքն ասում է զորքերը հանել Հայաստանից, զրանով ուզում է ասել, թե երբ հաշիւը պահանջեն այդ, որպեսզի նրանց վրա ճնշում չլինի Ռուսիայի կողմից և նրանք ստիպված չլինեն ուսական օրիենտացիա ընդունելու: Իսկ հայերի ապահովության համար, եթե նրանք այդ կամենան, նա բնավ դեմ չէ, որ մնան արկավոր եղած զորամասեր...»³:

Վ. Ի. Լենինը գտնում էր, որ ուսական զորքերի Արևմտյան Հայաստանում մնալու հարցը պետք է լուծվի հենց իրենց՝ հայերի համաձայնությամբ: Նրանք էլ պետք է որոշեն իրենց օրիենտացիայի հարցը: Այսպիսի մոտեցումը լիովին բխում էր ազգերի ինքնորոշման իրավունքի սկզբունքից, որը հռչակել էր Սովետական իշխանությունը:

1918 թ. հունվարի 11-ին Վ. Ի. Լենինը ստորագրում է Վ. Տերյանի վկայականը, որով նա՝ որպես հայկական հարցի խորհրդական, լիազորվում էր մշտնելու ՌՍՖՍՌ-ի և քառյակ գաղթի պետությունների միջև Բրեստ-Լիտովսկում հաշտության բանակցություններ վարող սովետական ղեկավարի մեջ⁴: Այստեղ ելնելով «Ռուրիկահայաստանի մասին» ղեկրետի սկզբունքներից, Վ. Տերյանը հեռուողականորեն պաշտպանում է հայ ժողովրդի շահերը՝ գերմանա-թուրքական զավթիչներից:

1918—1920 թվականներին, Ռուսաստանում քաղաքացիական պատերազմի և օտարերկրյա ռազմական ինտերվենցիայի ծանր ժամանակաշրջանում, Վ. Ի. Լենինը երբեք չէր մոռանում հայ ժողովրդի ազատագրական պայքարի, Հայաստանի մասին: Ամենայն ուշադրությամբ հետևելով Անդրկովկասում ծա-

¹ Документы Советской власти, т. 9, 342:

² Տե՛ս «Ժիզն նացիոնալնոստի» № 18, 1920., «Նորք», գիրք 5—6, էջ 406—418:

³ Վահան Տերյան, Երկերի ժողովածու, Երևան, 1925, էջ 402—403:

⁴ ՀՍՍՌ Գրական թանգարան, Վահան Տերյանի ֆոնդ, գործ 272:

վաւրդը իրադարձություններին, Վ. Ի. Լենինը ղեկավար ցուցումներ էր տալիս Կովկասի կոմունիստներին, օգնություն կազմակերպում Բաքուում ստեղծված Սովետական իշխանությանը, որը օտարերկրյա ինտերվենտների ու ներքին կոնտրոկոլյուցիայի դեմ մղված անհավասար մարտերում, Վ. Ի. Լենինի հավատարիմ զինակիցների ու աշակերտների ղեկավարությամբ, բարձր էր պահում Մեծ Հոկտեմբերի դրոշմը, լուսատու փարոս հանդիսանալով իր ազատագրության համար պայքարող անդրկովկասյան բազմազգ աշխատավորության համար:

Վ. Ի. Լենինի այն ժամանակվա բազմաթիվ ձառերում, հոգվածներում և հեռագրերում տրված է Կովկասի քաղաքական իրադրության խորը վերլուծություններ, Կոմունիստական պարտիայի և Սովետական պետության ղեկավարը, չնայած իր ծայրահեղ պրագմատիկությանը, ժամանակ էր գտնում ընդունելու հայ ժողովրդի, Հայաստանի բոլշևիկյան կազմակերպությունների ներկայացուցիչներին, զրուցում էր նրանց հետ, սովորեցնում, թե ինչպես պետք է հաղթահարել դժվարությունները, կազմակերպել պայքար Սովետական իշխանության հաղթանակի համար:

Վ. Ի. Լենինը մեծ հոգատարություն էր ցուցաբերում հայ ժողովրդի կուլտուրայի պարզագույն նկատմամբ: Նա հետաքրքրվում էր հայ գրականության, արվեստի, կուլտուրայի մասին զրբերով, հայկական թերթերով, կարգում, քաղվածքներ էր հանում նրանցից: Պահպանվել է 1918 թ. օգոստոսի 20-ի մի գրություն, որով Վ. Ի. Լենինին էին ուղարկվում «Летопись исторических судеб армянского народа» և «Поэзия Армении в переводах русских поэтов» գրքերը¹: 1919 թ. մարտի 4-ին Վ. Ի. Լենինը կարգադրություն է անում Մոսկվայում հայկական ինստիտուտ կազմակերպելու մասին², որի համաձայն նախկին Լազարյան ինստիտուտը վերակառուցվում է, դառնում հայկական սովետական կուլտուրայի օջախներից մեկը:

1918—1920 թթ. հայերեն լեզվով թարգմանվում և հրատարակվում են Վ. Ի. Լենինի մի շարք աշխատությունները՝ «Նամակ ամերիկյան բանվորներին», «Կարյ Մարքս», «Պետություն և ունեցուցիկ» և այլն, որոնք լայնորեն տարածվելով աշխատավորության մեջ, զինում էին նրանց խորը հավատով ղեկավար Սովետական իշխանությունը, կոմունիզմի գործի հաղթանակը:

Վ. Ի. Լենինը միշտ հետևում էր Հայաստանի բոլշևիկների գործունեությանը և աշխատավոր մասսաների՝ Սովետական իշխանության համար մղած պայքարին, խորհուրդներ էր տալիս, անձամբ կամ իր զինակիցների ու աշակերտների՝ Ի. Վ. Ստալինի, Գ. Կ. Օրջոնիկիձեի, Ս. Մ. Կիրովի, Ա. Ֆ. Մյասնիկյանի, Ա. Ի. Միկուլանի և ուրիշների միջոցով սիստեմատիկ օգնություն էր կազմակերպում նրանց: Այդ ամենը հսկայական նշանակություն ունեցավ հայ ժողովրդի ունեցուցիկ պայքարի համար:

Սովետական իշխանության թշնամիների դեմ մղված պայքարում Հայաստանի բոլշևիկները, ոգեշնչված Լենինյան հոգատարությամբ, ցուցաբերեցին անձնվիրություն և հերոսություն: Ընդհատակյա աշխատանքի դաժան պայմաններում նրանք ամրապնդում էին իրենց շարքերը, ընդլայնում կապերը

¹ Տե՛ս ЦПАИМЛ, ф. 2, л. 32245.

² «Իզվեստի» № 55, 1918.

մասնաների հետ, ուժեղացնում պայքարը Հայաստանում սովետական կարգերի հաստատման համար:

1920 թ. աշնանը, Վ. Ի. Լենինի նախաձեռնությամբ, ՌՍԴԲՊ Կենտկոմը մի քանի անգամ քննարկում է Անդրկովկասի հարցը: 1920 թ. նոյեմբերի վերջին Հայաստանի ապստամբ բանվորներն ու գյուղացիները՝ Կոմունիստական պարտիայի ղեկավարությամբ գրավելով Դիլիջանը, իրենց ողջունի առաջին խոսքն ուղղում են Վ. Ի. Լենինին. «Թող հայտնի լինի համաշխարհային ռեվոլյուցիայի առաջնորդին, — հեռագրում է նրանց անունից Հայաստանի Ռազմա-ռեվոլյուցիոն կոմիտեն, — որ Դիլիջանի և Քարվանսարայի շրջանների գյուղացիները, ղայրացած դաշնակների կառավարության հանցագործ քաղաքականությունից և երկրում սկսված անարխիայի խորացումից, բարձրացրին ապստամբության դրոշմը»: Այնուհետև Ռեկոմի հայտնելով ապստամբների հաջողությունների մասին, օգնություն էր խնդրում Սովետական Ռուսաստանից՝ Հայաստանում Սովետական իշխանության հաղթանակն ապահովելու համար:

Վ. Ի. Լենինի ցուցումով 11-րդ բանակի զորամասերը օգնության եկան ապստամբներին և ղեկավարների 2-ին ազատագրեցին Երևանը:

Կոմունիստական պարտիայի ղեկավարությամբ, ռուս մեծ ժողովրդի եղբայրական օգնությամբ Հայաստանում հաստատվեցին սովետական կարգեր:

Այս պատմական իրադարձության առթիվ Վ. Ի. Լենինը հենց նույն օրը ջերմորեն ողջունեց Հայաստանի աշխատավորությանը: «Հանձին ձեզ, — գրում էր Լենինը Հայաստանի Ռեկոմի նախագահ Ս. Կասյանին, — ողջունում եմ խմբերիալիզմի մշտնջեն ազատագրված աշխատավորական Սովետական Հայաստանին: Չեմ կասկածում, որ դուք կգործադրեք բոլոր ջանքերը՝ Հայաստանի, Ռուսբիայի, Ադրբեջանի աշխատավորների միջև եղբայրական համերաշխություն հաստատելու համար»²:

1920 թ. ղեկավարների 22-ին Սովետների Համառուսական 8-րդ համագումարում Վ. Ի. Լենինը կրկին ողջունեց Հայաստանի Սովետական ռեսպուբլիկայի ստեղծումը՝ դիտելով այն որպես Կոմունիստական պարտիայի քաղաքականության հաղթանակ: «Մենք պետք է ողջունենք, — ասաց Վ. Ի. Լենինը, — Բոլխարայի, Ադրբեջանի և Հայաստանի Սովետական ռեսպուբլիկաների կազմվելն ու ամրապնդվելը, որոնք վերականգնեցին ոչ միայն իրենց լիակատար անկախությունը, այլև իշխանությունը վերցրին բանվորների և գյուղացիների ձեռքը»³:

Այն օրերին ցնծություն ապրող հայ ժողովուրդը իր երախտագիտության առաջին խոսքն էր ուղղում Վ. Ի. Լենինին: 1920 թ. ղեկավարների 6-ին Երևանի աշխատավորների միտինգը Լենինին ուղարկած հեռագրում ասում էր. «Խիտ և կուռ շարքերով համախմբվելով Կոմունիստական կարմիր դրոշակների շուրջը, աշխատավորությունը հանձին Ձեզ ողջունում է Հոկտեմբերյան հեղափոխությունը, որի ալիքները խորտակելով ու ոչնչացնելով բոլոր արգելքները, հասան հեռավոր Հայաստանին»⁴:

¹ «Ժիզն նացիոնալնոստեյ» N 39, 1920 թ. 8 ղեկավարների:

² Վ. Ի. Լենին, Երկեր, հ. 31, էջ 550:

³ Նույն տեղում, էջ 619:

⁴ «Կոմունիստ» N 3, 1920 թ.:

Վ. Ի. Լենինն անձամբ զբաղվում էր Սովետական Հայաստանի ամրապնդման ու զարգացման հարցերով: 1920 թ. դեկտեմբերի կեսերին Լենինը ընդունում է Հայաստանի Ռեկոմի անդամներ Ս. Տեր-Գաբրիելյանին ու Ա. Մուսվաթյանին, զրուցում նրանց հետ Սովետական Հայաստանի վիճակի մասին և ցուցումներ է տալիս հետագա աշխատանքների համար: Վ. Ի. Լենինը մեծ հոգատարությամբ է ցուցաբերում Հայաստանի օկուպացված շրջանները (Ալեքսանդրապոլը և այլն) թուրքական զավթիչներից ազատագրելու, Լոռին Անտառտայի իմպերիալիստների և վրացական մենշևիկների լծից փրկելու, Զանգեզուրը դաշնակցական հրոսակախմբերից մաքրելու հարցում: «Լենինի մոտ» հիշողություններում Ա. Մուսվաթյանը պատմում է, որ իրենց ընդունելության ժամանակ խոսելով Հայաստանի երկաթուղու մասին, Վ. Ի. Լենինն ասել է. «Թուրքիայի հետ բանակցություններ կսկսենք ու երկաթուղին կազատենք: Մենք ինքներս դժվարին դրության մեջ ենք, բայց Խորհրդային Հայաստանին կօգնենք անպայման»¹:

1920 թ. հունվարի 18-ին Սովետական Ռուսաստանի արտաքին գործերի կոմիսար Գ. Վ. Չիչերինը հեռագրում է Գ. Կ. Օրջոնիկիձեին. «Թող ՌՍՖՍՌ-ի հատուկ լիազորը հատկապես պնդի Հայաստանը կատաստրոֆային դրությունից դուրս բերելու անհրաժեշտության վրա: Թուրքերը... բլոկադայի են ենթարկում նրան, կողոպտում են, սովի են դատապարտում»²: Փետրվարի 3-ին Գ. Վ. Չիչերինը հայտնում էր, որ Սովետական կառավարությունը շատ մեծ նշանակություն է տալիս Հայաստանի օկուպացված շրջաններում թուրքական կողոպուտներին և անկարգություններին վերջ տալու, Ալեքսանդրապոլը թուրքերից մաքրելու հարցին:

Սովետական Ռուսաստանի վճռական պահանջով 1921 թ. ապրիլի 22-ին թուրքական զավթիչները հեռանում են Ալեքսանդրապոլ քաղաքից և գավառից, որոնք միանում են Սովետական Հայաստանին: Կարմիր Բանակի զորամասերի օգնությամբ ազատագրվում են նաև Լոռին ու Զանգեզուրը:

Պահպանվել են բազմաթիվ փաստաթղթեր, որոնք վկայում են Վ. Ի. Լենինի մեծ հոգատարությունը դաշնակների և օտարերկրյա իմպերիալիստների կողմից ծայրահեղ քայքայման հասած Հայաստանին տնտեսական օգնություն ցույց տալու մասին:

Վ. Ի. Լենինի կարգադրությամբ Սովետական Հայաստան են ուղարկում 3 միլիարդ ուրլու սովետական դրամանիշներ³, հաց և այլ պարենամթերքներ: «Ստացա Ձեր ծածկագիրը Անդրկովկասի պարենային հուսահատական գրության մասին,— հեռագրում էր Վ. Ի. Լենինը Գ. Կ. Օրջոնիկիձեին 1921 թ. ապրիլին,— մենք ձեռք առանք մի շարք միջոցներ, Հայաստանին մի քիչ ոսկի տվինք, հաստատեցինք Պարենկոմին տված ամեն տեսակ հանձնարարությունները»⁴:

¹ «Խորհրդային Հայաստան» № 272, 1925, 20 նոյեմբերի:

² ЦПАИМЛ, ֆ. 85.

³ Նույն տեղում:

⁴ Նույն տեղում, ֆ. 2, օղ. 1, ք. 16518:

⁵ Վ. Ի. Լենին, Երկեր, հ. 35, էջ 521:

Վ. Ի. Լենինի առաջարկությամբ Աշխատանքի և պաշտպանության խորհուրդը բաղմիցս քննարկում է Սովետական Հայաստանին օգնություն ցույց տալու հարցը: Միջոցներ են բաց թողնվում Հայաստանի համար արտոսահմանում տրակտորներ և բանող անասուններ գնելու: Այդ ժամանակվա իր գրություններից մեկում Վ. Ի. Լենինը հայտնում էր. «Նշեք, ուղարկված է արդյոք Հայաստանին ոսկի (1,5 միլ. ոսկի, կարծես որոշված է):

Բսկ Հայաստանին օգնելու մյուս միջոցառումները:

Պետք է արագացնել և ստուգել:

Սպասում եմ պատասխանին»¹:

Վ. Ի. Լենինը ուշադրությամբ հետևում և տնձամբ ղրազվում էր տեղական աղագային կադրեր զաստիարակելու, կենտրոնական շրջաններից Սովետական Հայաստան պարտիական, սովետական, տնտեսական կադրեր ուղարկելու, Հայաստանի պարտիական կադմակերպությունը ամրապնդելու գործով: 1921 թ. ապրիլին, Վ. Ի. Լենինը ընդունում է պարտիական, սովետական և ռազմական տկանավոր գործիչ Ա. Մյասնիկյանին, զրուցում է նրա հետ, ցուցումներ տալիս Կովկասի կոմունիստների անկիբների մասին:

Վ. Ք. Լենինի հետ ունեցած իր այս հանդիպման մասին հետագայում Ա. Յ. Մյասնիկյանը գրել է. «1921 թվականի ապրիլի կեսերին ես պետք է մեկնեի Սովետական Անդրկովկաս և ուզա՝ Հայաստան: Մոսկվայից մեկնելուց առաջ ես ընկեր Լենինի հետ տեսակցություն ունեցա, որի ժամանակ մենք մանրամասն զրուցեցինք այն մասին, թե ինչպես պիտի աշխատել Կովկասում, ինչ ձևով պետք է հաշվի առնել ուսական ուսուցչության փորձը, ինչ քաղաքականություն վարել Ռուսիայի նկատմամբ: Լենինը խորհուրդներ էր տալիս զգույշ և նրբանկատ լինել արևելքի ժողովուրդների նկատմամբ, որոնք արդեն արթնանում են, որոնք լուսավորության կարիք ունեն և որոնք լուսավորվելով, իրենց մոտ կկատարեն ավելի վիթխարի հեղաշրջում, քան տեղի ունեցավ Ռուսաստանում: Մի խոսքով՝ նա այն ժամանակ շարադրում էր մեր այն զիծը, որը մենք, 1921 թվականից սկսած, անց ենք կացնում Անդրկովկասում և Մերձավոր Արևելքում»²:

Վ. Ք. Լենինը սիրով հաճաճախում է Ա. Յ. Մյասնիկյանի խնդրանքին՝ իր մաքերը համառոտ նամակի ձևով շարադրելու և ուղարկելու Կովկասի ընկերներին: Այդ նամակը, որը հայտնի է «Աղբյուրների, Վրաստանի, Հայաստանի, Դաղստանի, Լեռնականների ռեսպուբլիկայի կոմունիստ ընկերներին» վերնագրով, իր հետ Կովկաս բերեց Ա. Յ. Մյասնիկյանը: Այն ծրագրային նշանակություն ունեցավ ինչպես ամբողջ Կովկասում, այնպես էլ Հայաստանում Սովետական իշխանության հետագա ամրապնդման, սոցիալիզմի կառուցման համար: «Ջերմագին ողջունելով Կովկասի Սովետական ռեսպուբլիկաները, — գրում էր Վ. Ք. Լենինը նամակում, — ես ինձ թույլ եմ տալիս հույս հայտնել, որ նրանց սերտ զաշինքը կստեղծի աղագային խաղաղության մի այնպիսի օրինակ, որը չի տեսնված բուրժուազիայի ժամանակ և անհնարին է բուրժուական հասարակարգում»³: Վ. Ի. Լենինը խնդիր էր դնում ամրապնդել Սովետական իշխանությունը, խելացիորեն հաշվի առնել տեղական առանձնա-

¹ Ленинский сборник, т. XXXV, էջ 355:

² Հիշողություններ Վ. Ի. Լենինի մասին, Երևան, 1958, էջ 191:

³ Վ. Ի. Լենին, Երկեր, հ. 32, 402:

հատկությունները, կոնկրետ պայմանները, նշում էր էլեկտրիֆիկացիայի, ոռոգման խոշոր աշխատանքների ծավալման անհրաժեշտությունը¹։

Վ. Ի. Լենինը կոչ էր անում ամենավճռական ու անողորմ պայքար մղել մեծապետական շովինիզմի և տեղական նացիոնալիզմի դեմ, որոնք խանգարում էին տեղական ազգությունների ժողովրդական լայն մասսաներին համախմբելու Սովետական իշխանության շուրջը, մեծ հարված էին հասցնում մեր երկրի ժողովուրդների եղբայրական կապերի ամրապնդմանը, խախտում էին Սովետական պետության հզորության հիմքերը։

Մեր երկրի բոլոր ժողովուրդների և մասնավորապես հայ ժողովրդի հետագա զարգացման համար անգնահատելի նշանակություն ունեցան Լենինի նախաձեռնությամբ ստեղծված Խնդրովկասյան ֆեդերացիայի և առանձնապես ՍՍՌՄ-ի ստեղծումը, որը ազատ ժողովուրդների մեծ համագործակցություն ստեղծելու լենինյան իդեաների մարմնացումն էր, ամրոգչ աշխարհում ազգային հարցի ճիշտ լուծման հիանալի օրինակ։

Կատարելով Լենինի պատգամները, մեր բազմազգ երկրի բոլոր ժողովուրդները, Կոմունիստական պարտիայի ղեկավարությամբ, հասել են աննախընթաց հաջողությունների, իրենց տնտեսության և կուլտուրայի շտեմնված ծաղկման։

В. И. ЛЕНИН И ОСВОБОЖДЕНИЕ АРМЯНСКОГО НАРОДА

Г. Б. ГАРИБДЖАНИЯН

(Р е з ю м е)

В статье, на основании литературных источников и архивного материала, автор показывает исключительную роль основателя и руководителя Коммунистической партии и Советского государства В. И. Ленина, как вдохновителя революционной борьбы армянского народа за свое освобождение от социального и национального гнета. Под непосредственным воздействием гениальных ленинских идей, его руководящих указаний росли и выковывались армянские революционеры — большевики, самоотверженные борцы за счастье народа. Под руководством В. И. Ленина и созданной им Коммунистической партии вековая борьба армянского народа за свободу и независимость увенчалась полной победой.

Идя по ленинскому пути, под водительством Коммунистической партии, трудящиеся Советской Армении в великой семье народов СССР достигли невиданных успехов. Мудрой ленинской национальной политикой армянскому народу навсегда обеспечена счастливая жизнь и грандиозные перспективы дальнейшего процветания.

¹ Վ. Ի. Լենին, երկեր, հ. 32, էջ 494։